

平陸縣修志採訪錄

癸酉仲春
王從龍署端



序

平陸古虞國歷代政沿革屢見於經史以平陸二字
名縣者自唐天寶三年志書初於何代則不得其詳
至明嘉靖隆慶兩次重修清康熙乾隆光緒三次補
續在茲至今將六十載其間政治變更文化壅壅因
時賡續迨不容緩前者設局重修被財政阻隔旋進
旋止良用慨然予受任之日即志局中報之時隨籌
印舊志二百部俾官紳士庶瀏覽今將採訪諸員先

平陸修志採訪錄

後採取藝文職官人物祥異以及公文函件彙集成
冊付印二百本以備後來修志者採擇若任其散軼
則更無從稽考矣夫事無巨細必成於成之日不成
於不成之時皇皇邑乘當有振臂興起者感往事而
思來哲極散帙而希成獻後之君子或能諒予由衷
焉是為之序

署平陸縣縣長左恒祥識

中華民國二十二年仲春二月五日

傅巖廟碑

殷有天下六百祀其間臣之稱賢聖者曰伊傳如誼伯仲伯汝鴈汝方咎單甘盤雖見于經而德列之盛視二臣則固自有次第矣蓋二臣之伊訓說命扶皇極迪民彝垂法萬世而為人臣之楷範者又豈得輕舉而並稱焉孟子曰天將降大任於是人也必先苦其心志勞其筋骨餓其體膚困乏其身行拂亂其所為所以動心忍性增益其所不能傅巖之築有莘之耕茲非困乏者歟由草野而登右家輔治開化畏大保民成始成終茲非大任者歟說之良獨尹之元聖非關於天者孰能於此而高宗之命說曰首先保衡佑我烈祖格於皇天爾尚明保于罔俾阿衡等美有商則伊傳之稱豈不有所本始哉傅巖在虞統之間今隸平陸縣界有廟未知創于何代按碑刻唐大曆中侍御史楊憐尚踵六朝之習不載修建 未前一 大定十年立止大刻傅

平陸修志採訪錄

一

巖二字故興廢之端漫不可考國初時廟燼基存民無瞻嚮至皇慶中為縣者福產壯飾祠宇中位神像疏牖高閤金燦碧霽耽翼翼居民為之起敬過客為之肅仰夫事神治人實為政之先務或祭非典祀則以謠見識今茲廟之建其於崇明祀化齊民一舉而兩得之功既撤事紀諸石因倚鮮于佺九誦為之辭而歌以祀神焉其辭曰我我兮蒼巖有廟兮孔巖神之靈兮九天神之像兮聳民瞻民瞻兮歲時往古今來兮是仰是思從變遷兮陵谷廟宇廢兮不遠而復矢棘輦飛兮丹彩逾渥景寥寥兮仰清塵驅雲電兮馭星辰神之存兮福生民神之往兮豈不覩而不聞條之陽兮河之潁下宜麻麥兮高宜稷黍田賜而賜兮曰雨而雨擊靈鼉兮吹參差樽芳潔兮性腴肥迎神休兮飲神德我民報祀兮與時罔極大元延佑元年歲次甲寅己巳月上旬有八日忠 校尉平陸縣 曹花赤兼管本縣諸軍與魯 農事福童書

將仕郎晉寧路平陸縣主簿續執中撰

重修有商中興賢相傳公廟記畧

昔人曰善作者不必善成善始者不必善終信乎天下事創者良難繼之者亦不易也縣治之東逼近侯岳村有商相廟焉與傅巖版築處相距伊邇有泉名曰馬跑號為商相遺跡後有塚土人後稱為商相塋歷代以來未詳修建本末故興廢之端漫招碑刻自大明迄今三百年適居民皆焚祀於斯者香火之感遂興傅巖並傳修廟制正殿三間大門一間奇荒後催殘剥落幾等荒烟蔓草先會王父庠員雲鶴公目睹心惻愀然以起廢扶衰為己任葺祠宇飾神像金碧輝煌貌煥然復新更於正殿東置土室為住所南建香亭三間較舊制加廣焉又特建一亭於泉之上學博王公諱良弼者扁其額曰肖像洵一時之形勝即所以壯廟貌之觀瞻也惜顧記之後此亭再無復柔平陸修志採訪錄

二

而且祀事久湮竭拜寥寥信者耀耀史君者竭誠獻虔動以復古為念不棄拍案而起曰敬聖人之德而不知所以崇祀典將何以安神明而對先人在天之靈乎爰定祀於四月十日商民畢至少長咸集因念基址狹隘不足容社眾遂擇王君大生者經理其事乃南移其地增修於原廟外數丈有奇改亭為戲樓另建山門視前人規模宏遠計費百有六十金出已貲者五十餘金鳩工於雍正十二年落成於乾隆六年竭人載之勤勞隆於千秋之昭祀安神繼先兩得之美所謂善成而善終者非耀之君其誰與歸余高君之義行而重其敦請因塗次工程石

重建傅聖廟樂樓暨東廊房碑記

古之大人能格君心之非者生為良相沒為明祥莫不享萬世祀公之在商感夢於武丁現形於箕尾其祥異固不贅言矣而說命三篇實開萬代心

學之源啟心沃心獨能致主於中興誠亞聖之所謂大人者歟况傳巖為發
蹟之所迄今數千餘年旱乾水溢有禱必應聲靈赫濯又與天地同不朽乎
其事祀當何如豐隆也迺春秋報賽僅有東西侯岳王家莊數小村而臨近
莊廓概無聞焉此真有負於公之功德而為千古之遺憾者歟廟居馬跑
泉之上西有廊房兩間而東有僧寮兩孔雖南有樂樓而規模狹隘每不足
以歌舞今歲之秋有張天貴等倡為義舉重建樂樓創蓋東廊房三間三村
僅有七十餘家齊心協力踰月而完工告竣是役也一舉而成功之速奇矣
人少而成功之速更奇矣豈公之神靈有以默佑歟雅詩云以享以祀以
介景福而今而後年谷時熟村社清泰可卜也爰即其事之巔末而叙之以
誌不忘云

重修商相大殿山門碑記

平陸修志採訪錄

三

泉以馬跑名誌異也說者謂商相飲馬於斯而馬跑泉湧其文不雅訓姑
第弗深考蓋古之君子讀說命之篇思其德而信之深慕之至以為異域殊
疆猶立廟祭禱焉矧在生育之鄉乎所以古人登高設險擇此地龍以蜿蜒
而來幽谷竊然而深藏左有清流右有激湍前一湧泉滂然而佈出以其地
最雄勝故建廟於山之巔與里人共遊觀之樂遂錫其嘉名為跑馬泉云建
廟以來前人之迷備矣年深久遠宮殿圯毀欲嗣而葺之苦錢財無資於是
集腋捐貲重修殿宇增其舊制又於山門作小樓數間登覽之項萬象森列
豈非天造地設之一境歟人謂傳聖之靈在天下如水之在地中無所往
而不在也庶幾悽愴如或見之各愿為之一新踴躍歡趨不歷年而功竣焉
計其厯費大約用錢三百什有奇越咸豐九年己未春東君李君希盛囑予
作文以記之愧未親謁形勝知擬未能盡當不揣固陋欲明修造之由不使

後人一無所考者勒諸瑣珎他若流連光景之時皆畧而不陳懼褻也是為記

馬跑泉

傳聖廟由來久矣北倚重崗東西兩山環拱迴嶽列屏蓋踞邑之勝概焉第歷年久遠風雨漸圯社人倡議修葺恐莊村鳩工錢糧不敷又募化於附近隣莊而聞者皆樂輸囊金以襄盛舉既藏事礮石而丐余一言余按書恭默思道夢帝贊于良弼是高宗之心純一不二與天無間而傳聖之精誠通帝天而感君王有不待言者厥後對揚休命俾阿衡不能當美有商猗歟休哉而遜志特敏於終始念典更開六經言學之始則其享祀千秋也固宜與天罔極矣况余邑為聖人故里觀廟貌之重新瞻金碧之輝煌肅然敬翹然企安見名人輩出不復有舟楫霖雨之林堪與古人於輝映者乎廟製悉仍

平陸修志採訪錄

四

其舊而氣象增新外又續僧舍兩間共計工壹千費金壹百八十八兩三錢二分首事施衆人開列于後並列瑣珎之左以垂不朽云

傳聖廟記畧

或問之曰仰觀天文銀漢箕尾間有說星焉果孰精於天至商中興時降神於地紹道統而開來學而旋乾轉坤復羽化而經天耶抑說明與日月競光後者景仰其德澤而詣歸之也俯察地理條南河北岩野之間久以聖名溯其源泉以馬跑稱焉由泉而上古塚二塚之前殿宇翬飛達人以肖像額之良有以也瞻拜之餘四顧徘徊心曠神怡不禁穆然想見其為人其珠璣騰湧之泉果當年恭默思道至誠動天審像旁求之遺跡也抑讀其書想像其遇合之奇而以奇踪奇之也是未可以臆解也上下古今繫惟傳聖由人而天乃可言在天為星辰在地為河嶽明則為賢相幽則為正神地靈人傑真

堪與孔林並傳千古豈區區無益民社者哉且也用作霖雨殷高宗喻望之辭也至今大旱禱雨者忘千緼焉求之求之而甘霖如注者聖澤翔洽遠且溥也故農民志者莫不景仰之敬畏之相繼而整理之一修於嘉慶壬子再修於康熙丙辰詳叔父號雲鶴者與隣社諸君成新舊制泉上增亭以壯大觀遊其地者誰不讚賞竟被如知牧樵頽成灰燼嗟嗟增日月之幾何而泉亭不可復睹矣邇來典首史鐸等又重修增竇洞禪龕庶幾殿陛無煙火之繚繞饗堂存清潔之雅致歲時伏臘立社以祀演優以侑勒石以誌不朽何莫非盛德大業之入人深感人切哉古之人有言曰年壽有時而盡榮樂正乎其身未若夫性道文章遠而彌芳久而彌彰其斯之謂歟詩曰民之秉彝好是懿德由今以往夫豈無葺舊增新恢弘擴大以成聖人之居者哉謹因立石紀畧以望後之來者

平陸修志採訪錄

五

平陸縣馮村社重修英烈武安王廟記

承事郎守寧州襄樂縣令

賜俳魚袋許安上述

周人懷召伯之德甘棠為之不伐越人思范蠡之勛鑄金所以存像而况仗大義奮大勇據大忠上而服勞於國下而有功於民自隆名於諸侯之上列祀在典血食千祀英靈如生理亦其實也求之古人予於關雲長見之關公之佐昭烈也會東漢之傾軔二表董呂已糶除之獨曹氏孫劉角其所長矜以智力其勢固不足以相并其謀又不足以相商故天下分裂卒成鼎峙曹操中原孫霸江東先主乃終有區區之巴蜀然操擁百萬之眾挾天子而令諸侯此誠不可與爭衡以言兵機智算殆不如其雄矣權負江漢之固懷猶豫之計此亦不可與為圖以言勇悍謀畫殆不如其深矣然而劉氏每每至於尅敵者不獨歸美於孔明亦雲長之力也向使當時少不憑輔翼之勤幾何

而不崇兵東甲北面以事他人者乎則知漢祿之重輕大抵繫斯人得失其然其不然也夫槃根錯節適足以發明利器當三國艱險之際倘不擇主則陷禍而終身焉悔無及也士於此時孰不偷安而思危觀榮而辭辱公獨能為衆人之所弗為不苟去就廼棄曹而奔劉曾公終不得而臣此忠義大節所以輝映史冊激直士之氣破奸臣之膽耳嗚呼牧兒樵叟正以英武雄烈為萬人敵此真不足知公也有如是義有如是忠有如是勇有如是功宜乎天下來世蓋尸而祝之社而稷之今茲平陸縣馮村社有諸義士喬津李真樂禮陳定石顯陳進陳清侯珍李復興王義王恩張謹史通史選史寶張直張達張玘痛遺廟之毀墜太息之餘退發願言各竭所有力而葺之亭構繪塑既崇且堅昔日之顛今者為壯昔日之盡今者為華昏而明傾而完匪陋匪奢偕伴于制過者仰之踴躍而拜以手加額蓋經始於成安五祀之春其

平陸修志採訪錄

六

落成於泰和改元之二月能事然畢不有文以碑之恐不足垂遠樂禮石顯不遠百里而來乞予紀實昭茲遺烈予以鄉老姚君彥溫為之先容并喜公之忠義亦足以激直士氣而翼明時遂書梗概以貽來者之範云

重修岱嶽廟平高社記

岱嶽廟之在平高里也不知創自何時據平陸縣志所載廟內金石所刻俱云宋咸平中社民靖復初建觀元豐六年重修碑記舊有泰山堂夫曰舊有距咸平僅週一甲子零則建之云者殊未能實悉其為創建也以及元代相繼增修至明天順成化間余十二世祖義民官諱勝十數年內連立兩石或修或建所刻甚明厥后間有葺修一無可考迄今四百餘載毀者渺無蹤跡存者不蔽風雨拜瞻之下無不憫然嘆息曰是役也其何日而興也耶忽於同治四年孟夏之秋車村諸君子善念勃發糾合三社必欲修理神首求余

與本社諸君子共贊其事余不惟有同心猶且有繼述之志願焉竊慮村小力弱鳩工維艱因每糧一兩出銀二錢零每戶出銀一錢工四個共得銀七十兩整計工六百零又各隨心布施銀共得五十七兩零計工六百零幾閱四載不憚煩勞抑神之靈與何其有初而有終也厥工告竣於本社事乃略述之若按糧戶所出銀工分居社內理固宜然惟即其所施者花名分註而鐫之於碑以望後來者之有所觀感而興起也云爾時同治八年歲次己巳孟冬吉日記

重修文廟碑記

李貞年

傳曰有聖舉之莫敢廢也斯言也因為創之者開聖先尤為因之者善其後也平邑文廟自前清同治初年邑宰張公笠舫馬公玉山重修後屈指數之殆幾越一甲子矣年深日久而牆磚離骨屋瓦剝鱗燕之辛亥兵燹蹂躪難平陸修志採訪錄

七

堪已岌岌乎有傾覆之患况民國肇造孔教彰將巍巍文廟若聽其廢弛而不修甚非所以崇孔教保國粹也前任知事李公瑞廷與現任知事常公升晉相繼邀集諸紳共襄善舉妥籌款項庀材糾工自大成殿以及東西廡鄉賢名宦孝弟忠義各祠左右官廳聖域賢關禮門義路頓覺煥然增新而又補葺丹堦泮池櫺星戟門四外圍牆罔不次第畢舉列聖先賢先儒之木主亦皆油漆楷寫一律整齊雖傳粉施朱未敢擬樓台於金碧而上棟下宇庶不虞風雨之飄搖是役也共籌銀元二千六百有零工興於民國七年十月告竣於民國十年九月用撮巔末勒諸瑣珉以告來茲

重修龍王廟並新建捲棚享殿樂樓碑記

柴溥

余邑北倚條峰南面黃流左接太行右連首陽誠天險之區邑之西北山麓之下舊有龍王廟三楹名曰晉廟相沿久矣廟內神坐之前有原泉土人謂

之海眼因甃石其上作巨井狀水從廟階下流出洶瑟琤琮韻響琤琮空碧
瑩明朗鑒毛髮沙石游魚纖微可數酌之味尤甘冽近廟諸村有余山田每
收麥租時道過祠前乘涼解渴徘徊不忍去云但廟不知創建於何時僅有
明萬曆七年重修一碑日久頽敗荒蕪殊甚每一經過不無有感於心焉我
朝嘉慶龍飛之十有九年諸社信士糾眾商議廣為募化遂於本年九月
十三日重建正殿三楹視舊制濶大繼又創建捲棚一楹享殿樂樓各三楹
惜工未竣至二十年九月二十日子刻地大震窰崩屋倒壓斃居民無數凡
廟之建立者其塌毀蓋可知矣嗚呼當此之時殘傷黎庶謀生不遑尚有餘
力計其他哉而諸信士堅心果力一倡百和治公事如私事前此未竟者足
成之繼此之傷損者補苴之丹楹紺宇錯落列布金碧崢嶸掩映樹外而飛
湍激瀨潺淙不息亦眺賞之最勝矣工既訖諸信士造門請余記其歲月余
平陸修志採訪錄

八

曰是真可記也請者唯唯而退余因之有感矣余少時即聞余省會西南太
原縣有晉祠焉而未至其處既長六應省試欲覽其勝仍未果後余弟約亭
赴省試迂道過太原得游晉祠歸語余曰太原之晉祠與余邑之晉廟大畧
相同特余邑晉廟局勢小耳晉祠在太原縣西八里地爽塏而境清曠黛色
烟暉參差霏結獨冠一時祠之中為廟有八而聖母廟居其一靈異倍於他
神余邑晉廟只一神則有二與太原異矣余曰晉祠晉廟之名何以稱焉或
者唐叔為晉始封之君故廟食之是以為晉祠今祠仍初名而聖母一女即
列其中名不改其舊與余邑晉廟龍王之廟即亦一女居其中是龍王之配
也故倣晉祠之名而名之與約亭曰是以待之博物君子余曰然哉然哉是
為記

葛趙村古有清和觀不知昉於何時無碑刻可考嘉慶乙卯地震之變敝壞特甚神像暴於風日中居民惻然思有以修葺之會道士靖演王演惠銳志募緣四方應募者甚衆遂修理混之殿及神像金碧輝煌瞻望起敬仍以餘貲建救苦三官雷神祖師十師等真各神祠工既落成乃造余求記以垂久遠夫葛趙與靈寶僅隔一河而余承乏晉藩是宜為記矣詩曰敬恭明神宜無悔怒言靡神不舉也又曰綏以多福俾緝熙於純嘏言祭則受福也但繳福於惑者多謫瀆於鬼神以求近效是百淳千覿禳田之喻期淫祠所由起也世宗皇帝修明禮樂釐正祠典諸不經者悉令撤毀惟道流宗老子釋氏宗佛俾其館銅符表率徒黨以守清規甚盛典也老子為周柱下史棄官歸隱駕青過函關令尹喜望紫氣自東而來謂必有異人過此因留著道德經五千言今靈寶城北故址猶存後人於其他建大畜宮唐玄宗在此得天寶

平陸修志採訪錄

九

靈符葛趙在河北岸相望僅數里土人瞻仰靈異因立觀以崇奉之此或創建所由始也然老子正神也孔有猶龍之歎其隱顯變化世固不得而測之然鄉人設祠建醮崇奉香火必能令一方福利永奠民生豈非所謂受神之佑哉至於作惡神必殛之以保安善類則為善者益知所勸而為惡將有所畏而不敢也夫儒者之教求用於目前而佛老之教責報於身後斯亦足以勸誘愚俗俾其從善去惡恐墮地獄之苦也彼學未究夫天人輒為執一以斥二家則古人何以有敬之敬之天誰顯思之詩孔子何以有敬鬼神而遠之之言也夫王靖一道人耳鼓舞一倡河北響應遂成大工可以見人心從善矣嗣是而繕修俾勿壞不能不復望於後人也

葛趙村創建白雲宮碑記

蓋自道教設而神仙代作亦自神仙作而顯應不爽仙之為靈昭昭也而其

中覺世濟人日往來于人間者 惟純陽祖師為尤靈 祖師中唐進士也
自廬山修道後周遊人世每自稱回道士又曰無心昌老皆呂字也嘗于邯
鄲逆旅以枕授盧生又於東鄰沈氏家作詩以榴皮書壁其靈跡異踪記載
於仙籍者難以備述且于降壇時定人大事決人大疑如耳提如面命如史
監之在側如師保之來臨繫辭傳曰問焉以言其受命也如響非是之謂與
是以歷宋元明以至我 朝皆有勅封而州縣鄉黨亦皆設祠存醮以崇夫
香火清和觀創立蓋有年矣其間若 老君若 三官若 關帝 祖師莫
不各有殿廡以為妥靈之所獨 純陽閣尚缺然其未備本觀主持孫高桂
具束請眾言及此舉靡不樂從八節遂各出首人某某以令狐良棟荆思榮
為總理其事者著緣簿廣募化積若干金爰於道光乙巳秋興築地基越明
年三月鳩厥工庀厥材方冀收工於數旬孰意經營之出于人者有定氣數

平陸修志採訪錄

十

之運於天者無常大旱饑饉連年人民饑餓且死者更僕難數廟事遂廢於
半途厥後時和年豐業可圖卒而孫道與翁翁俱駕歸緱山嘻異矣事之不
幸至此極矣遑之又久至咸豐元年辛亥歲孫道之徒孫朱月暢復于首人
中議令狐翁勿逸者以補領袖之缺而從前已廢之功不彌月而告竣斯時
也台高數尺堂建兩楹棟梁掎夫山林簷牆固以磚瓦虎躍龍飛光增金錫
花鮮草茂采染丹青條嶽臨其前重重之錦嶂對峙若屏黃河遠其後滾滾
之洪波環抱如帶右依老子接紫氣於東來左畔平田送綠雲於西往遊斯
地者俯仰上下極目留連景物富麗賞不能勝不禁喟然嘆曰此真仙地也
仙靈故地亦靈地靈則仙尤靈他日之經以多福俾緝熙于純嘏者當於士
庶間驗其不爽矣首事者欲勒瑣珣垂夫悠久奈大兵越境居民惶恐更甚
於前此之饑饉迨至今春兵勢間歇囑予作文以記之予辭謝不能者再三

既不得命乃叙其事之巔末後有作者尚其修之俾勿壞

重修關帝廟獻殿並建軒榭碑記

柴福臻

廟宇遍大千要皆有興有廢興則雲爛星輝廢則墻傾室圯所在莫不皆然獨關帝之聖祠穹窿麗藻不惟名區勝境歷世弗替即一鄉一邑之間建立祠宇者罔不修飭維新是帝之神明直同高厚使天下之人畏敬奉承洋洋乎嘗若如在其上也余村之東北中張馬村二社良乾之離有如嶽峙淵渟雄鎮一方創建雖無可稽而歷代沿修之碑鱗次林立故至今鞏固恒新絕風雨剝蝕之痕前為山門左右輔以角門外復翼以鐘鼓二樓雄踞並列勢壓平遠儼若五鳳齊飛後則樂樓建焉又後為月台為獻殿為正殿震兌之方周以迴廊東後為藥王廟新建北門以限前後西後為禪房舊有西門以便出入堂堂整整基布星羅無不各包地勢鉤心鬥角正殿後

平陸修志採訪錄

十一

有崇寧宮最後為麟經閣高凌霄漢真與前之山門遙相接應自同治年間設立月中朔望兩會遠方之人輻輳廟中者百貨雲集兩社慮其露積僉議于月台舊基之上建營軒榭以便貿遷以壯觀瞻獻殿前樹立門屏俾實實枚枚極宏深肅括之邃蓋夏屋非一時可就巨室藉眾力始舉庀材鳩工經始于光緒癸卯年間九月落成于丙午之歲十月多歷年所始克成功費則出自廟內工則均諸兩社先後共費銀一千五百五十兩有奇工竣之日遐邇觀光者舉無不驚羨斯翼斯棘鳥革翬飛殖殖者其庭有攬者其楹棟宇輝煌藻采繽紛巍巍乎其有成功也煥乎其有文章茲泐貞珉焉余為文余弗獲辭不揣固陋是記

平陸圖書館壁記

彭繼先

嘗讀府廳州縣誌平陸古虞國為虞仲舊封民德勤儉風俗淳樸后稷文王

之化寧不在斯乎隱逸則有許由巢父聖賢則有傳說百里奚碩學通儒代不乏人前清科舉之盛甲於三晉國無小豈不信歟余從政斯邑倏經三載每覽邑乘未嘗不掩卷而興歎也惟學無皮藏之書儒有鈔胥之苦寒士窮經歎得善本文運興衰關繫匪淺客冬開詢政會議僉謂藉文廟地址設置圖書館一處以供邑人觀覽正在籌畫之際適有縣民因增善王智保先後請捐洋一千三百元作開辦經費當即呈請大府購買新舊各書並由上海中華書局訂購四部備要全部藏之兩廡任便取讀並藉文昌宮舊學署附設植物動物各園以助遊興補宮墻除蔓草引流種樹製網捕禽半載經營猶具規模今者池開君子之蓮水種伊人之草游魚隊舞飛鳥相逐簫管之聲悠揚郭外余政餘之暇恒與縉紳先生盤桓於此縱觀山色俯聽河流不覺快然於心自謂是羲皇上人後之來者將有感於斯文是為之記

平陸修志採訪錄

十二

改築興文渠記

令狐雁題

天下事非創則因而因者恒不及創非因則創而創者不必可因自非實心行政未易遽臻美備也吾邑舊有興文渠創之者魏公也從縣治西北六七里許盤崖沿壁引三汊澗水屈曲而行遠北郭連縣署導而注之黌宮前之宰是邑者以斯渠為文運所關每遇坍塌即為築修今十八村供厥役然皆開流防潰因仍遺規從未有盡心籌畫於因之中善用其創且使創之後不妨常因如我邑宰劉公者公碭陽人也以名進士權篆茲土下車伊始即以減徭輕賦禮士育材為己任憂斯渠因荒失修隄坍水涸急欲興復而方逾大祲經費維艱適浙江金荃人觀察來平助賑因公誠意感孚慨捐制錢二百緡以助渠費公于是沿流溯源竊見舊道既險歷年更多難成易潰十八村苦之而又每歲出粟以贍渠首慨然曰利于士而病于農非政

也事在官而給在私非情也朝為修而夕為圯非術也有此三失何以修為爰乘案牘昭迭興二三紳士審水道之便相地勢之宜忽望全家灘之渠與此斜射漸流郭外地勢雖卑亦不過卅咫之遙公乃謂自此築隄引水則因勢利導路便渠堅一勞永逸何憚不為遂擇吉鳩工度地庀材又特為督催於其後越月餘而水到渠成復用金購地以給工房渠首責令巡察補葺自時厥後歲修不擾灌溉有資庶幾泊泊其來泮池躍浪浮海翻瀾而文運蔚興且將與此水並永矣工既竣同人囑叙於題題喜斯役之衆美畢臻既深慰觀察捐資之意且遠前人創因之規也爰綜其顛末而為之記

重修幹嶠惠遠橋碑記

彭繼先

昔鄭子產濟人於溱洧猶有焉得人人而濟之慨况幹坂崎險溝行四十里茅草叢生所謂茅草溝者即晉滅虢假道於虞之地為晉豫咽喉馬龍車水平陸修志採訪錄

十三

日夜不息高崖深澗行旅苦之若逢夏秋陰雨交通即為梗塞余每詢政過此必召民夫以補治之前茅津紳士任君周卿來署面陳乃兄前省議會議員俊卿臨終遺囑曰凡人生在世如白駒過隙利己之心不可有利人之心不可無家有餘資務將幹嶠惠遠橋殘斷處設法修補以利行旅勿負吾之志俊卿沒周卿能繼承兄意捐洋四百元具稟立案余察其意出志誠不能不成人之美當即邀賀瑞伯高冠五諸君等董勸其事三月而工竣斷者復續險者復平疏水築牆永無顛覆之苦是周卿之行不沒俊卿之志不朽董勸其事者亦當共與流芳余忝司民社詳其事不能不記其實爰勒石橋左以作永久紀念云爾

創建三門大道工程紀念碑

王從龍

溯自海禁大開歐風東漸西人以商業政策侵畧隣國對於交通事業尤不

遺餘力互相角觸舉動駭人稍一疏防削亡立至中國地大物博貨棄於野
礦藏於幽若不急謀發展困難將伊胡底況平陸古屬冀州居晉之南鄙襟
山而帶河次秦而分豫砥柱高聳其間極海內之大觀砥柱山麓礦產亟多
石膏煤炭素稱富有因交通疲滯運輸遲滯民生事業泥於古制未能稍思
進步良可慨也乙丑春雲中彭公進五宰治斯邑正豫西多事河防吃緊之
秋修城練團幾無寧日戊辰歲防務安謐嘗登砥柱觀三門感商旅跋涉之
苦隨擬修理三門左近道路運輸煤炭石膏開一邑致富之源啓千古未創
之局聞者莫不贊同而感圖始之難也疊經籌畫偉謀始定預測沙梁東起
至老君廟西煤礦止分為三段計土工一石工二綿長十五六里鑿山開洞
並架單雙孔橋十座以通車運當即招工設廠投標以數最低者計需洋五
千三百二十二元又續修各橋磚洞加工洋二百七十八元計共洋五千九

平陸修志採訪錄

十四

百六十元一併訂立合同呈明 省府於戊辰七月一日開工九月十九日
完成車馬通行如履坦途並由商人在三門廟前集股開設煤棧平均價格
不但本邑燃料易於供應更暢銷豫晉兩省隣封各縣為利之溥亘古未有
遂使憂者以樂塞者以通與建國方畧物質建設義旨相同而民受其賜商
獲其益焉彭公乃雲中世家子以法學進仕歷任要職政平而訟理清潔以
自愛間能權輕重審利害建非常之業其與鄭子產不毀鄉校而門豹引漳
水以灌田有同一不朽之功豈庸儒俗吏所能望其肩背耶今功成事藏並
將募捐監工贊襄者姓名以次列諸貞珉後之來者當思創始之難繼續前
工以圖永久云爾是為之記

雲衢先生教澤碑文

先生諱鴻舉字雲衢竹川其號也世為閒原望族為人忠厚端方靜轉動直

心地尤光明磊落自幼讀書深潛純粹雖盛暑隆冬不少懈嘉慶丁丑入庠已卯中副魁嗣後屢入棘闈奇於數累薦不售遂絕意舉子業退而教授生徒不屑屑於尋行數墨而提綱挈領聞之者無不解吾四方之士咸負笈從遊願為門下士 先生無論敏鈍循循無倦色以故成就者實繁有徒舌耕積粟蓋有漢賈逵之風焉辛亥冬虞芮受業諸生適會聞原語及先生感慘惻不釋曰先生老矣 先生之教澤不可沒也宜及 先生在世勒諸瑣珉以垂永遠一時感恩者大半樂從因覓匠石刊刻碑記畧及所見於 先生者言之他若移頌揚崇祝禱概不敢陳懼褻也

正西先生教澤碑文

張芙蓉

先生負性豪邁而氣度和平雖於帖括之習未能盡棄而自宋以來先儒集錄尤其所嗜而究心焉祖雲衢公副貢生以學行聞於世先生幼承家學英

平陸修志採訪錄

十五

年採芹旋食廩饒長復游仁齋先生門其淵源因有自矣而其用工堅苦尤有甚者嘗為求仁者為學之要居敬者求仁之方故於橫渠訂頑朱子仁說及答張欽夫書並敬齋箴數篇策後皆畫空圈一百數十者亦有盡抹者則其成數千徧及萬徧者可知矣於大學中庸小學近思錄則尤其畢生致力循環讀玩無一日舍置者其他正學書無所不博尤喜閱讀書居業二錄及東萊博議北溪字義等書所讀看書多手自抄錄其字迹整齊圈點不苟皆足以起人敬慕仁齋所作不自存稿往往散見於同門先生廣為搜羅集成前後兩編名見則錄蓋以寫汲汲尊聞行知之意其嗜學有如此者先生平生居几案床簟寢處之地無一物不整飭衣冠言動皆無所苟其處事尤善飲人以和無知愚賢不肖皆喜與共事而不忍忤故事易集而人易化事繼母尤曲盡其道母或見責必長跪以謝罪母亦憐而愛之父歿哀毀之父歿哀